



42614

皇朝聖諭訓迪十條



成泰乙巳春

欽錄原本

印紙二
十一張

南墨廟宅藏板

南定省春長府
美祿縣卽墨社

善譜奉刊

刊板十
片半

上諭自古聖帝明王以正道涖天下必以

化民成俗爲先務身教言教具有儀型

又慮民之觀感不一視聽難齊則設爲

孟春道

音

人徇路

書胤征道人宣令之官施政教辰振木鐸以警眾也

正月州

長讀法

周禮地官州長各掌其州之教治政令之法正月之吉各屬其州之民而讀法以考其德行道藝而勸之以糾其過惡而戒之

之制用能家喻戶曉興讓興仁以臻雍

熙悠久之盛。我國家

肇基南服。

神傳

聖繼二百餘年。德意汪涵。美成在久。奉我
皇考世祖高皇帝。大定之後。
興學校以育才。

頒條例以正俗。善政善教。孟子盡心篇善政民畏之善教民愛之決于

民心。恒道之貞。匹庶前古。朕丕紹

鴻圖。率循

大下。深思富而後教之義。論語子路篇冉有曰既富矣又何加焉曰教之向

來綏彫撫瘵。側賣切勞病也降赦蠲租。奉奉以惠

養黎元為念。雖未能使吾民咸臻富庶。

然而涵養安佚。經今十有五年矣。教訓
正俗。豈惟其時。節經諭令。諸地方。廉訪
孝順節義。一有奏上。卽厚加旌賞。與夫
賢良方正之士。亦命所在搜求。寔惟勸
勵有方。以爲人心風俗至計。重念民彝
物則。具此知能。專獨也室蓬廬。必有忠信。

其間誠樸醇厚。固不乏人。然亦有氣稟
所蔽。物欲所昏。是以不可無教。朕嘗閱
刑部所上案宗。見有頑冥無知。輕犯憲
網。誠可矜憐。朕心殊所不忍。且如無賴
惡棍。及狂狡不逞之徒。每有敢行不軌。
隨即盡臨刑誅。此則順逆之理。諒已昭

然凡有耳目。皆可聞知。固不待煩言而後曉也。第思牖民孔易。當在平時。爰命撰訓迪之辭。凡十條。頒行天下。再敕禮部擬撰儀註。分送京外諸地方。爾京尹及諸督撫布按。各宜體朕此意。將原送印本。遍送所轄諸總里社村。並轉飭屬

轄府縣學政及該總里長等。各遵部送
儀註。遍飭士庶軍人。將此等教條。以期
宣讀講明。務使家傳人誦。相規以成日。
染月濡。同歸于善。爾士庶軍人等。切勿
視爲具文。必身體力行。胥然胥倣。務期
革薄從忠。薰成美俗。於以永迓。

天庥。咸蒙多福。爾臣庶盡享春臺壽域。而
朝廷亦得長治久安。則朕眷念爾等臣
庶。思以教育而成全之一片苦心。方不
虛負矣。欽此。

明倫彙編 家範典 卷一百一十五

十條目錄

敦人倫一

務本業三

厚風俗五

崇正學七

鎮法守九

正心術二

尚節儉四

訓子弟六

戒淫逸八

廣善行十

敦人倫一

夫人道莫先於明倫。君臣有義。父子有親。夫婦有別。兄弟有序。朋友有信。此人之大倫也。人倫明而後人道立。朕願臣庶軍民等皆知以敦人倫爲重。仕者奉公履正而必盡其心。趨事赴功而不惜。

其力。爲士者講學明道。砥礪成才。以供
國家之用。爲兵農工商者。樂業服勤。安
常守分。內以仰事父母。俯育妻子。外以
供租就賦。好義急公。隸軍籍者。勿離伍
而苟逃。勿惰氣而不振。居平則練習技
藝。有事則奮勇向前。爲胥吏者。勿舞文

弄法。勿侵蠹。小民惟思夙夜咸勤。無廢
公事。若夫事父母。必以孝敬。處夫婦。必
以和順。兄弟則相愛而無乖爭。朋友則
相信而無欺侮。忠經曰。君子守道。所以
長守其祿。忠經證應章。君子守道。所以長守其祿。小人不當。所以自貽其咎。爾等信能
如是。則彝倫攸叙。諸福咸臻。予以永迓。

昇平之治。煥乎_{音偉}。是也哉。

正心術二

夫心者人之本也。其心正。則萬善所由生。其心不正。則百惡所從出。可不慎歟。惟皇上帝。降衷于下民。若_{順也}。有恒性。_{出書湯誥}是以仁義禮智。藹然四端。人之初生。無

不固有。朕願爾百姓等。各思恒守善心。
存養良性。雖所業有不同。而向善則一。
富者勿至於驕奢。貧者勿流於姦偽。勿
遷於利誘。勿陷於惡習。苟有一言之不
正。一行之不善。必知愧耻於心。深自改
悔。樂善好義。以保其生。辟惡去邪。咸歸

于正。若不思。警省。淫僻邪穢。無所不爲。到此。陷于刑章。噬臍何及。書曰。惠迪吉。從逆凶。惟影響。夫朕教養萬民。樂觀爾等之成。而不樂見爾等之罹于咎也。爾等其慎思之。

務本業 三

夫上天生民必各付之一業故人莫不
自擇一業以爲立身之本士農工商園
圃澤牧以至武弁軍旅各有所業皆資
之以生也夫業成於勤而廢於怠但能
治業精專不懈用力則日計不足月計
有餘終必見其成效矣爲士者澡身礪

行。博學洽聞。期以及時成立。縱有目前
小利。亦不可遽爾改圖。爲農者修其耒
耜。時其稼穡。務以日底盈寧。縱有豐歉
不齊。亦不可因而輟業。以至百工之飭

貨八材。

周禮天官。珠曰切。象曰磋。玉曰琢。石曰磨。木曰刻。金曰鏤。革曰剝。羽曰柝。

商賈之阜通

貨賄。

貨金玉也。賄音悔。布帛也。財也。

軍伍則講習武藝。凡有常

職以治生者。莫不習而安焉。勤而行焉。此務本業之義也。書曰。業廣惟勤。爾等其勉之。

尚節儉四

夫生財有大道。生之者眾。食之者寡。爲之者疾。用之者舒。則財恒足矣。故聖賢

每論用財。必以節儉爲先。今海宇承平。
人民多尚奢侈。衣服器用。甚麗過度。酬
酢往來。率多浮費。又有事神奉佛。一筵
之醺祭。所需亦累千百。甚者冥頑之徒。
淫于鴉片。蕩于酒博。卒之破產傾貲。
即移切也觸憲冒法。甚可憫也。爾士庶軍人等。各

宜凜遵朕訓。以勤儉爲持身治家之良
術。衣服不可過華。飲食不可無節。房屋
器具。務取質樸。冠昏筵祭。但貴得宜。切
不可過爲奢費。至如愚人蕩子。曾誤吃
鴉片及好酒博者。速宜洗除。書曰。慎乃
儉德。惟懷永圖。爾等信能如是。則儉約

之風成。殷富之效可致。顧不韙歟。

厚風俗五

夫風俗所關非細。風醇俗美。則刑措兵
寢。四海之內。有太平音。朕願爾士庶軍
人等。相觀爲善。偕之大道。有恩意以厚
宗族。有信順以睦鄉黨。有禮讓以和上。

下母以富侵貧。母以貴驕賤。母以智欺
愚。母以彊凌弱。居平則相保愛。有事則
相賙恤。勿積讐言。忿以構爭端。勿好健訟
以妨生理。聯守望以弭盜賊。誠匿逃以
免株連。有廉耻忠信之習。無浮偽險詐
之風。爲士者必知處心純厚。立操恬靜。

農圃則勿越畔以求益。勿曲防以害人。

左傳僖公無曲防謂不得曲爲隄坊壅泉激水以專小利病鄰國也。

工賁則勿射利而交

爭。勿眩貨而求售。書曰凡厥庶民無有

淫朋。人無有比德。爾等宜喻此意。於以

盡革澆

古澆切薄也。

風。咸臻美俗。永迓和平之福。

聿躋大順之庥。爾等其勉旃哉。

訓子第六

夫人始爲子弟。後爲父兄師長。今日不

知子弟之道。他日卽不能知父兄師長

之道。故古之教。必自子弟始。蓋以期乎

爲父兄師長也。是以古者愛子。教之以

義方。弗納於邪。

左傳隱公三年衛大夫石錯諫莊公曰臣聞愛子教之以義方弗納於邪驕奢淫佚所自邪也

今朕願爾等之爲父兄師長者各勤教
其子弟務俾恪守天良無失世業勿使
游惰不勤勿使好博縱酒勿使交結匪
人勿使習尚奢侈行必重於孝弟力田
心必存於禮義廉耻久之心地醇良日
進於善高者可以成材達德光顯門閭

下者亦不失爲良民。保守家業。平日教誨之功。豈不大且遠乎哉。夫幼子童孫。

書呂刑。幼子童孫皆聽朕言。

聖人之所必教。少儀

禮記篇名。

弟子職。

管子篇名。君子之所致嚴。孟子曰。逸居而無教。

則近於禽獸。爾等其毋忽焉。

崇正學七

夫學者所以學爲人。故天下不可一人
無學。亦不可一日無學。而其所學尤不
可不正。朕願爾兆姓等。務求正學。講明
人倫。堯舜之道。孝弟而已。孔孟之教。仁
義爲先。是皆所當講也。若夫一切
異端。勿爲其所誑惑。之說尤爲無

理甚至男女混澌。行同禽獸。煽奸樹黨。自蹈刑誅。此其壞教斁倫。尤不可信。其有業爲所誘。當速改除。凡冠昏喪祭。必循國禮。苟不惑於他岐。自能歸於正道。夫業爲士者。誦習詩書。自知義理。至於兵農工賈。豈必皆能讀書識字。然其見

人之善言。悅而從之。見人之善行。效而爲之。秉彝好德。不失本心。人足以事父兄。出足以事長上。聖賢之學。亦不外是。孟子曰。息邪說。距詖兵媚行。放淫辭。朕啟誨。諄切。本欲嘉惠我民。爾等其敬聽之。

戒淫慝八

夫人在天地之中以生。貴守正性。而不
流於淫蕩。貴由善道。而不入於邪慝。夫
男女之際。情欲最爲易惑。苟不以禮自
防。則其端甚微。其禍甚鉅。讐釁生焉。獄
訟起焉。可不知所痛戒遏止也哉。向來
諸地方有節婦貞女者。朕特加旌賞。或

建祠所。或賜匾額。以爲天下之貞者勸。
願爾百姓等。爲父母兄長者。各知教誨。
其子弟。男以禮法自閑。女以貞節自守。
男女之情正。而百福之所由集矣。乃若
豪黨挾勢以侵凌。刁猾音活多舞智以慝
愚。音悚音勇甚爲平民之害。又如無賴游

愚

音悚音勇
皆勸也

甚爲平民之害。又如無賴游

棍。慣爲不善。始則發櫃穴墻。終則煽惑
滋事。此皆天理之所不容。國法之所不
寬。書曰。天道福善禍淫。其有犯此等條
速宜自知畏悔。改惡還良。胥囿於相養
相安之域。惟爾百姓等念之。

鎮法守九

夫朝廷之於民。欲其守法。而不欲其犯法。吾民能知守法。然後寡過。不入於罪戾。而全其生焉。則法紀之設。以爲民也。爾等可不思所以慎守之歟。朕告爾百姓等。家之父兄。各教其子弟。鄉之長正。各戒其小民。每以法律。轉相曉示。勿慢。

法而故爲。勿棄法而輕犯。如知不道不
孝之律。則不敢爲干常犯義之行。知鬪
毆攘奪之律。則不敢逞彊暴囂凌之氣。
知姦淫盜竊之律。必有以遏其邪僻之
心。知越訴誣告之律。必有以革其健訟
之習。知稅課之自有定額。則勿私圖包

攬而拖欠正供。知匿犯之必至于連。則勿互相串通而窩藏逃犯。凡一切公法之所禁。皆當謹避。自能祛其偽妄。進而修良。書曰。各守爾典。以承天庥。夫如是則下有風動之庥。書禹謨四方風動惟乃之休上有刑措之治。史記周康王刑措不用顧不盛哉。

廣善行十

夫積善之家必有餘慶。音美福也善者福之所

集也。所謂善者無他。不過孝弟忠信仁


義禮智而已。茲朕教爾有民。非謂前項

等條之所能悉。然其彛倫日用之常。大

要亦不外是。爾士庶軍人等。各宜敬聽。

朕言勉進於善。今日行一善。明日行一善。久之而實得諸已。積之而可廣陰功。自然災殃不至。福祿日來。縱使報應稍遲。其身未顯。則其子孫亦必憑藉餘慶。繁衍盛大於無窮矣。書曰。作善降之百祥。爾等咸體朕意。敦行善道。而不怠于

以各正性命。保合太和。共躋仁壽之域。
煥乎。耀哉。



成泰十七年三月日奉擬欽讀

聖諭十條者宜先看

陳廟弘道經編卷首宣講儀註告文次看

卷三經緣始末內訓讀

十條崇正學一段疑處留作塗樣方知讀

法茲奉擬

南墨善譜生等謹奉
禱擬